

OPĆENITO O KOMISIJAMA PARLAMENTARNE SKUPŠTINE BIH

Komisije imaju veoma značajnu ulogu i doprinose racionalnijem i efikasnijem radu domova. Dom naroda ima tri stalne komisije, Predstavnički dom sedam stalnih komisija, a oba doma imaju šest zajedničkih stalnih komisija. Komisije su formirane prema oblastima iz nadležnosti Parlamentarne skupštine Bosne i Hercegovine, tako da njihova organizacija prati odgovarajuću organizacionu strukturu ministarstava u Vijeću ministara Bosne i Hercegovine.

Na taj način osigurana je neposredna parlamentarna kontrola nad radom ministarstva i provođenjem zakona u oblasti za koju je odgovarajuće ministarstvo nadležno. Sve prijedloge zakona kao i druge akte koje razmatraju domovi prethodno razmatraju nadležne komisije, koje domovima o tome podnose izvještaje i mišljenja o usklađenosti sa Ustavom i pravnim sistemom Bosne i Hercegovine, odnosno o principima predloženog zakona i amandmane na zakone koji se nalaze u proceduri razmatranja i usvajanja. Nadležna komisija razmatra amandmane na prijedlog zakona, a usvojeni amandmani postaju sastavni dio prijedloga zakona koji razmatra dom. Komisije mogu odlučiti da vode javnu raspravu o predloženim zakonima, mogu provoditi saslušanja i zahtijevati izvještaje od bilo kojeg izabranog ili imenovanog zvaničnika, službenika ili institucije.



USTAVNOPRAVNA KOMISIJA

USTAVNOPRAVNA KOMISIJA

PREDSTAVNIČKI DOM

USTAVNOPRAVNA
KOMISIJA



PARLAMENTARNA SKUPŠTINA
BOSNE I HERCEGOVINE

Misija OSCE-a u BiH podržala je štampanje ovog materijala

PARLAMENTARNA SKUPŠTINA
BOSNE I HERCEGOVINE
Trg BiH 1
71000 Sarajevo

Sekretar: Igor Bajić
Telefon: + 387 33 28 60 68
Fax: + 387 33 22 68 41
E-mail: igor.bajic@parlament.ba
upkpd@parlament.ba

www.parlament.ba



PARLAMENTARNA SKUPŠTINA
BOSNE I HERCEGOVINE

USTAVNOPRAVNA KOMISIJA

Ustavnopravna komisija jedna je od sedam stalnih komisija Predstavničkog doma PSBiH.

Komisija ima devet članova, od kojih su dvije trećine članova izabrane s teritorije Federacije BiH, a jedna trećina s teritorije Republike Srpske, pri čemu su među njenim članovima zastupljena sva tri konstitutivna naroda u BiH. Na čelu Komisije je predsjedavajući Komisije, koji ima dva zamjenika.

Ustavnopravna komisija razmatra amandmane na Ustav BiH, sve prijedloge zakona i druge akte koji se nalaze u proceduri u Predstavničkom domu Parlamentarne skupštine BiH. Takođe, daje mišljenja o postojanju ustavnog osnova i usklađenosti prijedloga amandmana i

prijedloga zakona sa Ustavom i pravnim sistemom BiH, odnosno o principima navedenih pravnih propisa. U amandmanskoj fazi Komisija razmatra amandmane na prijedloge zakona i dostavlja izvještaj Predstavničkom domu Parlamentarne skupštine BiH o usvojenim amandmanima i predloženom zakonu.

S obzirom na svoju nadležnost, Ustavnopravna komisija predstavlja izuzetno važno radno tijelo Predstavničkog doma Parlamentarne skupštine BiH.

Ustavnopravna komisija je u proteklom periodu bila organizator javnih rasprava o Amandmanu I. na Ustav BiH kao i o nekoliko važnih prijedloga zakona, koji su nakon održanih javnih rasprava usvajani u Parlamentarnoj skupštini BiH.

NADLEŽNOSTI

Ustavnopravna komisija, u skladu sa članom 41. Poslovnika Predstavničkog doma Parlamentarne skupštine BiH:

- prati provođenje Ustava BiH;
- razmatra pitanja značajna za ustavni poredak Bosne i Hercegovine i daje inicijativu za amandmane na Ustav BiH;
- ispituje i dostavlja Domu mišljenja o prijedlozima amandmana na Ustav BiH;
- provodi javnu raspravu o prijedlozima amandmana na Ustav BiH ili prijedlozima zakona, te obavještava Dom o rezultatima javne rasprave;
- razmatra prijedloge zakona koje Dom treba da usvoji, u vezi s njihovom usklađenošću sa Ustavom BiH i pravnim sistemom, kao i u vezi s pravnom obradom te Domu podnosi izvještaj s mišljenjem i prijedlozima te pravno-tehničkim ispravkama očiglednih grešaka u tekstu;
- razmatra pitanja zakonodavne metodologije i druga pitanja značajna za usklađenost pravno-tehničke obrade akata koje Dom treba da usvoji;
- dostavlja mišljenja Ustavnom sudu BiH;
- utvrđuje, zajedno s odgovarajućom komisijom Doma naroda, prečišćeni tekst zakona i drugih propisa kada i ako ih za to ovlaste oba doma;
- razmatra prijedloge za oduzimanje imuniteta i u vezi s tim predlaže odgovarajuće odluke Domu;
- razmatra pitanja koja se odnose na: pravni sistem, izborni sistem, Vijeće ministara BiH, državne zastavne, grb, zastavu i državnu himnu Bosne i Hercegovine, pečat Bosne i Hercegovine, državnu administraciju;
- razmatra provođenje međunarodnih i domaćih krivičnih zakona, te druga pitanja iz nadležnosti Doma koja nisu u nadležnosti drugih komisija.
- Osim navedenih nadležnosti, Ustavnopravna komisija dostavlja i mišljenje u vezi sa zahtjevima za ocjenom ustavnosti zakona podnesenim Ustavnom sudu BiH i utvrđuje konačne prijedloge za autentično tumačenje pravnih propisa.

ČLANOVI



Šefik Džaferović
predsjedavajući



Mato Franjičević
prvi zamjenik
predsjedavajućeg



Aleksandra Pandurević
druga zamjenica
predsjedavajućeg



Denis Bećirović



Petar Kunić



Božo Ljubić



Saša Magazinović



Lazar Prodanović



Senad Šepić